



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Mater Amoris Et Doloris**

**Ginther, Anton**

**Augustæ Vindelicorum, 1711**

**VD18 15312348**

Consideratio I. B. Virgo & Mater Dolorosa liber est, ex cujus lectione & consideratione omnes possunt fieri docibiles Dei. Emblema. Liber apertus, in quo SS. Nomen & Cor Mariæ gladio transfixum ...

[urn:nbn:de:hbz:466:1-47286](https://nbn-resolving.org/urn:nbn:de:hbz:466:1-47286)

†

# CONSIDERATIO I.

B. Virgo & Mater Dolorosa liber est, ex cujus lectione & consideratione omnes possunt fieri docibiles DEI.



*Liber generationis JESU Christi.*  
*Matth. 1. 1.*

**N**on absque peculiari causa Sacri investigant Scriptores, quisnam sit ille liber, de quo S. Matthæus in principio Evangelij sui testimonium perhibet: *Liber generationis JESU Christi?* volunt plures, *Cornel, hîc.* quod per hunc librum nil aliud intelligatur, quàm genealogia Christi, seu cathalogus avorum & proavorum, à quibus Christus secundum carnem originem suam duxit. Alij per hunc librum generationis Historiam vitæ Christi sabaudiunt, hoc enim *Mater Dolorosa.* B signi-

significare videtur verbum Hebraicum *Tholdach*, quasi dicat Evangelista: *Liber de vita Christi*. Alij per eundem librum ad propositum nostrum SS. Deiparentem MARIAM pulcherrimè adumbratam esse asserunt: *Sola Virgo*, ait S. Gregorius Nazianzenus, *Liber est generationis JESU Christi*, de cujus purissimis sanguinis cordialis guttulis Spiritus Sanctus, tanquam scriptor hujus Virginei libri optimus ac sapientissimus divinissimum corpus JESU formavit, quod exinde suo tempore tradidit pro salute univerforum in ara crucis immolandum. Est autem COR sedes amoris & misericordiae; hinc Christus non potuit non esse quàm *Cordialis*, quia de suavissimis SS. Cordis materni sanguinis guttulis à Spiritu Sancto secundum humanitatem formatus est: *Quippe quae stillavit*, ait Seraphicus Doctor, *è cordis venulis purissimi sanguinis guttas, ex quibus formaretur Christus ad misericordiam eximie propensus &c.*

*Salveron-  
gem. 3. cap. 9.  
Abulens. in  
cap. 11. Le-  
vit. S. Bo-  
naven. in  
Psalm. B. V.  
Isa. 8. 1.*

Verumenimverò quid audio? imò quid video? ergone liber ille generationis JESU Christi à Spiritu Sancto scriptus est stylo ferreo: *Sume tibi librum grandem, & scribe in eo stylo hominis?* Vis videre anima Christiana hunc mysticum librum? intuere praefixum Emblemata, & in eo conspicaberis Sacratissimum COR Virginis MARIÆ gladio doloris transfixum: ita Jechonias Rex librum Jeremiae, quia ingrata, amara & tristitia in se continebat, indignabundus pugione transfixit, & conscissum in ardentes prunas conjecit: *Scidit illum scalpello scribe, & projecit in ignem.* Pari pugione SS. COR MARIÆ transfixum cernitur, & cur hoc? audi anime mi! non ignorabis, credo, quomodo Ecclesia Dei SS. Martyribus varia perpeffionis eorum instrumenta appingere soleat, sed si SS. B. Virginis ac Matris Dolores Christiano populo vult intimare, cor acutâ rhompheâ perforatum proponit in peculiare signum illorum cruciatuum, quos SS. COR Deiparae non duntaxat in cruenta Filij passione, quàm etiam per omnem hujus mortalis vitae cursum perpeffum est; hinc merito innocentissimum illud & afflictissimum COR MARIÆ omnibus Christicolis pro libro inservire potest, ex cujus lectione & pia consideratione *omnes possunt fieri docibiles DEI*, proinde pro lemmate inscribere placuit:

*Jerem. 38.  
23.*

*Isa. 6. 45.*

Omnibus in omnibus.

2. Mirandum, quòd Sacri Scriptores tam pauca de hoc mystico libro & Dolorosa Matre conscripserint; Solus dilectus ille Christi

fti Discipulus & filius adoptivus MARIÆ, cui à moriente orbis Redemptore pretiosissima hæc Mater impensè commendata fuerat, pauculis verbis quasi per transfennam de ejus cordis doloribus mentionem fecit: *Stabat autem juxta crucem JESU Mater ejus*; & Lucas: *Tuam ipsius animam pertransibit gladius*; cæterorum autem Evangelistarum de hac dolentissima Matre altum est silentium; ad quid, obsecro, omnes Sacri Scriptores in enarrandis acerbissimis Virginis doloribus tam parci, tam elingues extiterunt?

Desine mirari anima Christiana: *Profundum abyssi quis dimensus est?* Quis urinator profunditatem Oceani suâ bolide hactenus dimetiri potuit? proinde perspicuè etiam tacendo ipsi Sacri Scriptores fatentur, se tantis ac talibus recensendis cruciatibus, quos pientissimum COR MARIÆ perpessum est, esse omnino impares; unde D. Anselmus: *Quidquid crudelitatis inflictum est corporibus Martyrum, leve fuit, aut potius nihil comparatione tuæ passionis*; hinc haud immeritò ab Ecclesia appellatur *Regina Martyrum*, dum plus dolorum in animo, quàm cæteri Martyres in corpore, passa est: *Sola ergo anima MARIÆ*, ait Eusebius Nierenbergius, in Regia Univeritate Madritensi quondam Sacrarum litterarum Professor eximius, *supergressa est Martyrum cruciatu & tormenta universa*; ratio est, quia juxta S. Augustinum *tantum necesse est urat dolor, quantum hæserat amor*; amor autem hujus SS. Cordis Mariani in Filium major erat, quàm cunctorum mortalium, imò & Angelorum, proinde & dolor ejus juxta mensuram amoris commensurandus erit. Accedit, quòd ipsa hæc Excellentissima Virgo & Mater doloris & amoris liber fuerit *Scriptus intus & foris*, & *signatus Sigillis septem*; Scriptus intus per virtutes altissimas, foris per alias dotes incomparabiles; unde ab Andrea Cretensi appellari solet: *Liber vivus Verbi paterni calamo Spiritus Sancti inscriptus*; est autem ille liber signatus Sigillis septem, per quæ non incongruè Septem Dolores SS. Deiparæ possumus subaudire, quibus pientissimum COR ejus à patiente Filio, veluti septem signaculis signatum fuit, unde illud Sponsi in Epithalamio: *Pone me ut signaculum super cor tuum &c.*

3. Sed quomodo, dices, legendus est iste liber? quomodo considerandus? *Felix ille*, ait Richardus à S. Laurentio, *qui de libro isto quantulamcunque lectionem quotidie memoriæ mandabit*; au-

di, quid S. Joanni ad Insulam Pathmos ob fidei Orthodoxæ constantiam à Trajano Imp. relegato, & tunc ad littus maris moranti, acciderit, cui apparuit Angelus ille Apocalypticus, dextro pede mari & sinistro terræ insistens, qui Joannem ad mirabile invitaverat convivium, in quo loco ciborum librum grandem illi proposuit sine mora devorandum; *Accipe librum, & devora illum*; quem librum ubi Divus ille ad hortatum Angeli avidè comedit, in ore quidem ejus melleus, sed in ventre felleus & amarus factus est: *Et accepi librum de manu Angeli, & devoravi illum, & erat in ore meo tanquam mel dulce: & cum devorassem eum, amaricatus est venter meus.* O quàm Paradoxa sunt ista! dulcis & amarus erat ille liber; & quomodo hoc?

O pientissima Virgo & Mater amoris & doloris (ignosce, quod dicam) Tu, inquam, vel adumbrata es per hunc librum Apocalypticum, vel non incongruè assimilari poteris huic libro  
*Eccli. 24-23.* dulci & amaro: Dulcis eras 1. Quia quasi vitis fructificasti suavitatem odoris, dum DEUM & Hominem nobis genuisti, dulcem illum Cypri Botrum, de quo Sponsa in Epithalamio: *Botrus Cypri Dilectus meus mihi*; sed & amara fuisti, dum superiori lumine illustrata magis quàm Prophetæ procognoveras, Botrum illum dilectum post aliquot annorum tractum ad ultimam usque sanguinis stillam in torculari crucis pro mundi redemptione exprimendum:  
*Luc. 2. 35.* *Positus est hic in Signum, cui contradicetur.* 2. Dulcis eras, quia, dum Eva, prima, sed eheu! nimis infida *cunctorum viventium Mater* pomum acerbum & Malum, à quo omne malum in orbem venit, nobis porrexit, de quo fructu etiamnum *dentes filiorum obstupescunt*; tu e contra dulcissimum ac benedictum ventris tui fructum JESUM ex ulnis pendentem nobis benignissimè offers, in quo Solo omnis nostra consolatio, omnis pax, omnis suavitas & omne bonum invenitur; sed & amara exitisti, hoc enim significat SS. Nomen tuum *Mare amarum*, idè in typo pulcherrimæ illius Noëmi noluisti appellari Pulchra, sed Amara: *Ne vocetis me Noëmi, id est Pulchram, sed vocate me Mara, id est Amaram, quia amaritudine valde replevit me Omnipotens.* 3. Dulcis eras, & etiamnum es miseris mortalibus dulce asyllum ac perfugium, unde Ecclesia te salutat: *Vita, dulcedo, & spes nostra salve!* O quot peccatorum pondere gravati, & exulceratâ cruciati conscientiâ per te, ò pientissima Domina! incredibile accipiunt solamen, quia facta

*B. Albert M.  
in c. 1. Luc.  
Ruth. 1. 19.*

facta es *refugium peccatorum*, neque à sæculo auditum est, illum à te fuisse derelictum, qui serio opem & intercessionem tuam imploravit, unde S. Augustinus: *Tu es spes unica peccatorum, quia per te speramus veniam omnium delictorum, & in te nostrorum est expectatio premiorum: sed & amara es, quia fasciculus myrrhæ dilectus tuus JESUS per omnem vitam inter ubera tua, imò & in SS. corde tuo, tanquam Crucifixus commoratus est: Virgo, inquit Taulerus, Theologiæ Mysticæ Doctor egregius, cum Christo crucifixa est in hora conceptionis, quando Mater Filij DEI esse consensit, neque unquam, dum vixit, de cruce deposita est. O mortales omnes inspicite hunc librum (SS. COR MARIÆ) legite, & considerate, si tantis, ac tam immensis affecta est cruciatibus ipsa innocentissima DEI Mater, quomodo vos sine doloribus ac cruciatibus salvandos esse putatis? quale coelum vobis pinget DEUS, ô delicatuli! ô mollicelli! ô mundani!*

S. August.  
Serm. de Annunt. B. V.

Cant. 1. 12.

Tauler. Exercit. vita Christi. c. 18.

4. De libro illo legis, qui regnante Josia pientissimo Israëlitarum Rege, cum facta recta Templi Solimæi instaurarentur, per Helciam Sacerdotem Magnum non sine peculiari Numinis dispositione inter muros absconditus inventus est, recensent Sacri Regum Annales, quod præfato Regi, cum à Saphan publicè legeretur, ob comminationes in eo contentas, ingentem terrorem incusserit: *Perterritum est cor Regis &c.*

4. Reg. 24.

Anima Christiana ne terreatis, neque concidat cor tuum, si in hoc libro mystico SS. Cordis MARIÆ non videas nisi gladium, crucem, flagella, spinas, injurias, passiones, mærores, dolores, amaritudines &c.; sed potius hinc te oportet imitari naturam apum, quæ etiam ex amarissimis flosculis & herbis saporis amarulentissimi dulcissimum mel sibi parant, unde lemma: *Ex amaro dulce*; vel age adinstar ovium in Insula Ponto, quæ, licet quotidie absynthio & myrrhâ pascantur, illis tamen ejusmodi felleæ & amaræ herbæ, velut succus melleus, ambrosius, ac palatui gratissimus videatur, unde iterum lemma: *Dulcescit amaror*. Ita, inquam, oportet te facere anima Christiana, si dolores Sacratissimi ac Divinissimi Cordis JESU Crucifixi & afflictissimæ Matris ejus sedulo & attentè scrutaris, atque meditando rumines, tibi in gratissimam vertentur dulcedinem; & quemadmodum olim lignum illud amarum, cui Adelpa nomen, Salsam Maræ aquam populo Israëlítico in dulcem con-

19.

*Exod. 15. 25.* vertit : *Qui ostendit ei lignum , quod cum misisset in aquas , in dulcedinem versa sunt ; & sicut Sal acre tempore Elisæi Prophetæ pessimas*  
*4. Reg. 2 22* aquas in Jericho sanavit : *Sanate sunt ergo aquæ usque in diem hanc ;*  
*4. Reg. 4. 41.* & sicut parum farinæ ollam mortis amarissimis colocynthidis impletam , indulcoravit : *Et non fuit amplius quidquam amaritudinis in olla :*  
*S. Gregor. M* ita Patiens JESUS & SS. Mater ejus Compariens , si ad memoriam  
*in Epist.* eorum passiones revocaveris , omnes tuas misérias , angustias , tribulationes , persecutiones , ægri tudines , ipsamque denique mortem mirum in modum indulcorabunt : *Nihil adeò grave est , ait S. Gregorius Magnus , quod non equanimiter feratur , si Christi passio ( addo ego : & Dolorosæ Matris ejus compassio ) in memoriam revocetur.*

5. De libro illo legis , ex pretioso lapide Angelicâ manu elaborato , in quo ipse DEUS propriâ manu majoribus litteris , ut à populo videri possent , & eminus legi , ex utraq; parte tabularum in regrum Decalogum scribere dignatus est : *Scriptura quoque DEI erat sculpta in tabulis , refert Sacer Codex , quod eum Moyse , videns ingratarissimum populum tripudiantem , & idololatrântem , ad radices Sinæi Montis confregerit : Projectit de manu tabulas , & confregit eas ; ita lugendum in modum periit , & contractus est pretiosissimus ille liber ipso Omnipotentis DEI digito scriptus , de quo nec ulla littera amplius in orbe haberi potest ; O jacturam incomparabilem !*

Verum alium ac longè pretiosorem tibi ostendo librum Anima Christiana , ipsâ DEI manu & digito Spiritus Sancti exaratum ; liber hic SS. COR integerrimæ Virginis ac Matris Dolorosæ est : *Liber novus ,*  
*S. Joann. Da. masc. orat. 2. de assumpt.* inquit S. Joannes Damascenus , *in quo modo mirabili DEUS VERBUM inscriptum est ; & Divus Antoninus : MARIA , ait liber fuit , quia continuit in se Divinam Sapientiam , id est Filium DEI , & ex hoc innuitur totalis ejus puritas scilicet in anima & corpore ; Scriptor autem hujus libri fuit optimus , quoniam Spiritus Sanctus , qui omnium est artifex , & omnium habet sapientiam &c. Quibus annecto Eminentissimum Hugonem S. R. E. Cardinalem : Beata Virgo , inquit ; liber est vite , in quo tot sunt virtutes , quot littere ; ô librum pretiosum SS. COR MARIÆ , in quo omnia possumus habere in uno , dum inservit Omnibus in omnibus.*  
*Hugo Card. in cap. 23. Eccl.*

Vis probam anime mi? virtutum omnium stabile fundamentum est humilitas , vis illam addiscere ? inspicere , & lege hunc librum , & quid primâ fronte occurrat ? hoc SS. nomen MARIA , quod idem est ,  
 ait

ait Hadrianus Lyræus, quam *stilla vel gutta maris*, quid quæso hu- Lxx. de Nom. Mar.  
 milius? audi ipsam loquentem: *Ecce ancilla Domini*, supra quod S. Mar.  
 Ambrosius: *Vide humilitatem*, inquit, *ancillam se dicit Domini*, qua S. Ambr. l. 3. in Luc.  
 DEI Mater eligitur, nec repentino exaltata promisso est; ubi nostra  
 humilitas, cum punctum tangitur honoris? vis discere verecundiam?  
*Turbata est in Sermonem ejus*; si castimoniam? *Virum non cognosco*; si Luc. 1. 29.  
 obedientiam? *Fiat mihi secundum verbum tuum*; si paupertatem? *Non* Luc. 2. 7.  
*erat eis locus in diversorio*? si charitatem DEI? *Exultavit spiritus meus*  
*in DEO salutari meo*. Si dilectionem proximi? *Vinum non habent*; Joan. 2. 8.  
 Si orationem mentalem? *MARIA autem conservabat omnia verba* Luc. 2. 19.  
*hec, conferens in corde suo*; Si orationem vocalem? *Magnificat ani-* Luc. 1. 46.  
*ma mea Dominum*; Si mansuetudinem? *Ecce pater tuus & ego do-* Luc. 2. 48.  
*lentes querebamus te*; Si patientiam? *Nonne hic est fabri filius? nonne* Matth. 12.  
*mater ejus dicitur MARIA?* Si perseverantiam? *Hi omnes erant per-* Act. 1. 14.  
*severantes in oratione cum MARIA Matre JESU*; Si animi fortitudi-  
 nem? *Et dixit (Simeon) ad MARIAM Matrem ejus: ecce hic post-* Luc. 2. 34.  
*tus est in ruinam & resurrectionem multorum in Israël, & in signum,*  
*cui contradicetur, & tuam ipsius animam pertransibit gladius; nec fuit*  
*hic animi dolor, quem ex vaticinio Simeonis hauserat, in corde*  
*B. Virginis transiens, sed per omnem vitam permanens, unde sic*  
*aliquando ad B. Birgittam locuta est: Quoties aspiciebam Filium meum,* Revel. lib. 6. cap. 57.  
*toties animus meus quasi novo dolore absorptus cogitabat, quomodo cru-*  
*cifigendus, atque ei contradicendum esset; an non (obsecro te pru-*  
*dens Lector) si hanc veritatem attentiore mente consideras, SS.*  
 COR MARLÆ liber est, inserviens, prout lemma fert:

## Omnibus in omnibus?

6. Vis exempla? Franciscum Suarezium è Societate JESU, P. Cast. Tausch de Matr. Dol. l. 3. pr. 5. §. 8.  
 sapientissimum Theologum consule, qui eminentem suam scien-  
 tiam ac pietatem nulli alij in acceptis refert, quàm SS. Matri Do-  
 lorosæ, quam impensissimo affectu & filiali semper amore venera-  
 tus est, unde & illi liberum accessum ad Crucifixum Filium para-  
 vit, de cujus SS. Latere ac Vulneribus promicantes radij Suare-  
 zium, aliquando in cubili suo à terra duobus ferè cubitis subleva-  
 tum, mirè illustrarunt.

Eidem Sacratissimæ ac Dolorosæ Virgini B. Albertus Magnus, Idem loc. cit.  
 qui tardissimi & ferè plumbei ingenij fuerat, suam Philosophicam  
 doctri-



doctrinam debet, dum sui sæculi prodigium Philosophorum & orbis portentum factus est.

*Cornel. à  
Lap. in Prov.  
in Dedic.*

Ab hac pretiosissima Deiparente Divus Gregorius, dictus ob stupenda patrata miracula Thaumaturgus, & sui ævi alter Moyses, mirè eruditus, & illustratus est, & ne in errores Origenis Magistri sui impingeret, ei S. Joannem Evangelistam, filium sibi à Christo in cruce surrogatum, in novum Magistrum & Doctorem assignavit, qui eidem Symbolum Orthodoxæ fidei & veræ sapientiæ ac theoriæ tradidit methodum.

*idem ibi.*

Quid dico de Ruperto Abbate Tuitiensi, cui B. Virgo & Mater pulchræ dilectionis tantam divinarum litterarum cognitionem indidit, ut tunc temporum intervallo nullus ei similis in orbe reperiretur? Et nunquid eadem dolentissima Virgo S. Ignatio Soc. JESU Fundatori non tam in scribendis Sacris Constitutionibus, quam in adornandis, & faciendis Exercitijs Spiritualibus peculiarem opem tulit? proinde meritò & Patrona & Fundatrix illorum Societatis Exercitiorum dici poterit. O si omnes, præsertim illi, quibus animarum cura commissa est, hæc probarent, & facerent Exercitia!

*Lud. de Pon-  
te in Vita  
Ven. P. Balth.  
Alvarez  
6. 43.*

En pie Lector! prædicti Viri illuminatissimi Dolorosam hanc Matrem non tam impenso studio & amore coluerunt, quam etiam in rebus dubijs, adversis & difficillimis, ut librum ac Magistram consuluerunt. Tu, si prudens es, & salutem tuam amas, ad hanc Sapientiæ Sedem & Thronum gratiæ pari affectu & amore accede:

*Eccli. 25*

*Et obviabit tibi quasi Mater honorificata,*

*&c.*



CON-